

FEDERALNO MINISTARSTVO PROMETA I KOMUNIKACIJA

Na osnovu člana 13. stav 3. Zakona o cestovnom prijevozu Federacije Bosne i Hercegovine ("Službene novine Federacije BiH", broj 28/06), federalni ministar prometa i komunikacija donosi

PRAVILNIK

O DOPUNAMA PRAVILNIKA O LICENCI ZA OBAVLJANJE JAVNOG PRIJEVOZA U CESTOVNOM PROMETU

("Službene novine Federacije BiH", br. 18/08)

Član 1.

U članu 8. stav 1. Pravilnika o licenci za obavljanje javnog prijevoza u cestovnom prometu ("Službene novine Federacije BiH", broj 65/06) iza tačke f) dodaje se nova tačka g) koja glasi: "po autobusu da zapošljava najmanje jednog vozača koji ispunjava uvjete iz člana 9. Zakona o cestovnom prijevozu Federacije Bosne i Hercegovine (u daljnjem tekstu: Zakon)".

Član 2.

U članu 9. stav 1. iza tačke f) dodaje se nova tačka g) koja glasi: "po autobusu da zapošljava najmanje jednog vozača koji ispunjava uvjete iz člana 9. Zakona".

Član 3.

U članu 10. stav 1. iza tačke f) dodaje se nova tačka g) koja glasi: "po teretnom motornom vozilu da zapošljava najmanje jednog vozača koji ispunjava uvjete iz člana 9. Zakona".

Član 4.

U članu 11. stav 1. iza tačke f) dodaju se nove tačke g) i h) koje glase:
"g) po putničkom vozilu da zapošljava najmanje jednog vozača koji ispunjava uvjete iz člana 9. Zakona".
"h) da posjeduje dopunsku taksi oznaku koju izdaje nadležno kantonalno ministarstvo na osnovu člana 10. Zakona".
U stavu 2. u prvom redu, iza riječi tačka "c)" dodaju se riječi "i tačke g)".

Član 5.

U članu 14. iza stava 8. dodaje se novi stav 9. koji glasi:
"Ispunjavanje propisanih uvjeta iz člana 8. tačka g), člana 9. tačka g), člana 10. tačka g) i člana 11. tačka g) ovog Pravilnika utvrđuje nadležno kantonalno ministarstvo za poslove prometa na osnovu svjedočanstava o završenom stepenu stručne spreme vozača, prijave penzijsko-invalidskom osiguranju i ovjerene kopije vozačke dozvole, te na osnovu rješenja nadležnog ministarstva da ispunjava druge uvjete za obavljanje djelatnosti".

Član 6.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 06-02-1-537-1/08
31. marta 2008. godine
Mostar

Ministar
Nail Šećkanović, s. r.